



Broj: 04-GV-04-1955/23
Sarajevo, 22.12.2023. godine

ZAPISNIK O RADU
36. SJEDNICE ODBORA ZA BUDŽET I FINANSIJE
GRADSKOG VIJEĆA GRADA SARAJEVA
održane 22.12.2023. godine

Prisutni:

1. Namir Čomaga, predsjedavajući
2. Danijela Šahat, zamjenica predsjedavajućeg
3. Lajla Čosović, članica
4. Edita Alaim, članica
5. Haris Džihanić, član
6. Anes Teskeredžić, član
7. Seid Škaljić, član

Sjednici iz Stručne službe Gradskog vijeća Grada Sarajeva prisustvuju:

- Mirjana Đanović Stanić, rukovodilac Stručne službe Gradskog vijeće Grada Sarajeva

Sjednici prisustvuju:

- Muamer Kutlovac, pomoćnik Gradonačelnice za finansije

Predsjedavajući Odbora je otvorio sjednicu u 13.00 sati, pozdravio prisutne, utvrdio kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu 35. sjednice Odbora za budžet i finansije Gradskog vijeća Grada Sarajeva održane 16.11.2023. godine.

Na prijedlog Predsjedavajućeg, jednoglasno je usvojen sljedeći **dnevni red**:

1. Prijedlog Programa rada Gradskog vijeća Grada Sarajeva za 2024. godinu
2. Prijedlog Budžeta Grada Sarajeva za 2024. godinu
3. Prijedlog Odluke o izvršavanju Budžeta Grada Sarajeva za 2024. godinu
4. Informacija o implementiranim projektima finansiranim iz međunarodnih i lokalnih fondova u 2023. godini
5. Tekuća pitanja

TAČKA 1.

Prijedlog Programa rada Gradskog vijeća Grada Sarajeva za 2024. godinu

Uvodno izlaganje je podnijela predstavica Predlagača.

Poslije uvodnog izlaganja i sažetka Predsjedavajućeg, Odbor za budžet i finansije je jednoglasno usvojio sljedeći **zaključak**:

Odbor za budžet i finansije sugeriše Gradskom vijeću da razmatra Program rada Gradskog vijeća Grada Sarajeva za 2024. godinu kako je i predložen.

TAČKA 2.

Prijedlog Budžeta Grada Sarajeva za 2024. godinu

Uvodno izlaganje je podnio predstavnik Predlagača. Uslijedil je rasprava u kojoj su učestvovali svi prisutni i iz koje su proizašli prijedlozi za zaključivanje, odnosno za ulaganje amandmana na Prijedlog Budžeta Grada Sarajeva za 2024. godinu.



Poslije uvodnog izlaganja i sažetka Predsjedavajućeg, Odbor za budžet i finansije je jednoglasno usvojio sljedeće **zaključke:**

Odbor za budžet i finansije sugeriše Gradskom vijeću da razmatra Budžet Grada Sarajeva za 2024. godinu kako je i predložen uz uvažavanje amandmana koje ulaže ovaj Odbor i uz usvajanje predloženih zaključaka ovog radnog tijela a koji su u prilogu ovog akta.

Amandman I.

Predlaže se da se u Prijedlogu Budžeta Grada Sarajeva za 2024. u okviru ekonomskog koda 615100- Kapitalni transferi drugim nivoima vlasti, uvrsti nova stavka "Opremanje dva logopedska kabineta u Ambulanti Hrasno Brdo te za tu stavku planira iznos od 10.500,00 KM, a da se za ovaj iznos umanju stavka planirana pod ekonomskim kodom 615100 - Kapitalni transferi drugim nivoima vlasti i fondovima-Izgradnja i obilježavanje pristupne staze Spomen ploče na Kazanima, tako da umjesto 300.000,00 KM iznosi 289.500, 00 KM.

Obrazloženje: Logopedski kabinet sa dvije logopedice već duže vrijeme radi bez neophodne opreme sa djecom s poteškoćama u razvoju i govoru, mucanju, poremećajem iz autističnog spektra sa nerazvijenim govorom, sa pacijentima sa afazijama i drugim poteškoćama. Kabinet je potrebno opremiti sa digitalnim interaktivnim stolom (4.000,00 KM) i interaktivnim panelom (6.500,00 KM). Opremanjem logopedskog kabineta, rehabilitacija bi kraće trajala a samim tim bi se smanjile i liste čekanja.

Amandman II.

Predlaže se da se u Prijedlogu Budžeta Grada Sarajeva za 2024. u okviru ekonomskog koda 615100- Kapitalni transferi drugim nivoima vlasti, uvrsti nova stavka "Nabavka mikroskopa za oftamološki odjel Opće bolnice "Abdulah Nakaš" uz planiranje iznosa od 50.000,00KM, a da se za ovaj iznos umanju stavka planirana pod ekonomskim kodom 615100 - Kapitalni transferi drugim nivoima vlasti i fondovima-Izgradnja i obilježavanje pristupne staze Spomen ploče na Kazanima koji je planiran u iznosu od 300.000,00 KM.

Obrazloženje: Za nabavku mikroskopa potrebna su sredstva od 150.000,00 KM i predlaže se da Grad Sarajevo sufinsnira nabavku u predloženom iznosu. Oftalmološki odjel Opće bolnice "Abdulah Nakaš" u Sarajevu je jedna od najproduktivnijih jedinica ove vrste u našoj zemlji sa preko 1.500 operacija katarakte godišnje. Obzirom na potencijal odjela i kvalitet ljekara, jako je bitno za naš grad održati postojeći broj operacija te unaprijediti kvalitet usluge našim pacijentima. Za ovakve aktivnosti neophodno je obnoviti postojeću opremu u operacionoj sali a posebno nabaviti predloženi mikroskop čija napredna tehnologija može biti osnova i za dalji razvoj odjela.

Odbor za budžet i finansije predlaže Gradskom vijeću da, u povodu razmatranja Prijedloga Budžeta Grada Sarajeva za 2024. godinu, donese sljedeći **zaključak:**

Zadužuje se Gradonačelnica da pri realizaciji stavke Projekti obnove predškolskih i školskih objekata i infrastrukture koja je planirana sa iznosom od 1.625.000,00 KM realizuje i projekat uređenja igrališta OŠ „Mehmedalija Mak Dizdar“.

Odbor za budžet i finansije predlaže Gradskom vijeću da, u povodu razmatranja Prijedloga Budžeta Grada Sarajeva za 2024. godinu, donese sljedeći **zaključak:**

Gradsko vijeće Grada Sarajeva traži od Gradonačelnice da u skladu sa aktom koji je Gradonačelnici uputila Sindikalna organizacija organa Grada Sarajeva, a na osnovi Uredbe Vlade Federacije BiH, te uzimajući u obzir i akt Samostalnog sindikata državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine, isplati dio pomoći uposlenicima Grada Sarajevo iz Budžeta Grada Sarajeva za 2023. godinu, a drugi dio odgovarajućom dinamikom do polovice 2024. godine kako je i navedeno u Uredbi FBiH. Očekuje se da će Gradonačelnica ovaj zaključak realizovati zbog izuzetno velikog povećanja cijena, prije svega hrane, i imajući u vidu da uz ovako isplaćenu pomoć ne postoji obaveza poreskih i drugih davanja kao što je to uređeno za obračun plata.

TAČKA 3.

Prijedlog Odluke o izvršavanju Budžeta Grada Sarajeva za 2024. godinu

Uvodno izlaganje je podnio predstavnik Predlagača.

Poslije uvodnog izlaganja i sažetka Predsjedavajućeg, Odbor za budžet i finansije je jednoglasno usvojio sljedeći **zaključak:**

Odbor za budžet i finansije sugeriše Gradskom vijeću da razmatra Odluku o izvršavanju Budžeta Grada Sarajeva za 2024. godinu kako je i predložena.

TAČKA 4.

Informacija o implementiranim projektima finansiranim iz međunarodnih i lokalnih fondova u 2023. godini

Uvodno izlaganje je podnio predstavnik Predlagača.

Poslije uvodnog izlaganja i sažetka Predsjedavajućeg, Odbor za budžet i finansije je jednoglasno usvojio sljedeći **zaključak**:

Odbor za budžet i finansije sugeriše Gradskom vijeću Grada Sarajeva da razmatra Informaciju o implementiranim projektima finansiranim iz međunarodnih i lokalnih fondova u 2023. godini kako je i predložena i primi je k znanju.

TAČKA 5.

Tekuća pitanja

U raspravi je svoja razmišljanja i prijedloge iznio Namir Čomaga, predsjedavajući Odbora.

Poslije rasprave i sažetka predsjedavajućeg, jednoglasno je usvojen zaključak, odnosno podnesen amandman na Prijedlog Budžeta Grada Sarajeva za 2024. godinu koji su u prilogu ovog akta.

Odbor za budžet i finansije predlaže Gradskom vijeću da, u povodu činjenice da je u prijedlog dnevnog reda 34. sjednice Gradskog vijeća Grada Sarajeva, uvršten i Prijedlog Odluke o utvrđivanju posebnog značaja za Grad Sarajevo za Udruženje za očuvanje i promociju rock muzike „Ex Yu Rock Society“, ne uvrsti razmatranje ove odluke u dnevni red sjednice, već da se da mogućnost ovom Udruženju da kvalitetnim projektima aplicira na sredstva Budžeta Grada Sarajeva.

Amandman I.

Predlaže se da se u Prijedlogu Budžeta Grada Sarajeva za 2024. u okviru ekonomskog koda 614300- Tekući transferi neprofitnim organizacijama, izostavi stavka - Udruženje za očuvanje i promociju rock muzike „Ex Yu Rock Society“ sa planiranim sredstvima u iznosu od 7.000 KM, a da se ta sredstva prenesu na zajedničku stavku Udruženja/fondacije iz oblasti kulture tako da se planiraju sredstva u iznosu od 157.000,00 KM umjesto planiranih 150.000,00 KM.

Obrazloženje: Intencija Budžeta Grada Sarajeva za 2024. godinu kako je to naglašeno u obrazloženju, da se što je moguće više sredstava Budžeta Grada Sarajeva, kada su u pitanju transferi a posebno neprofitnim organizacijama, realizuje putem javnih poziva, pa Odbor cijeni da je takav pristup budžetskim sredstvima potrebno omogućiti i ovom Udruženju koje postoji tek nepune 3 godine.

PREDSJEDAVALJUĆI ODBORA

Namir Čomaga, s.r.

Predsjedavajući Odbora je u 14.05 sati zaključio rad 36. sjednice Odbora za budžet i finansije Gradskog vijeća Grada Sarajeva.